

元曲選外編

下
冊

基

4100049009

元曲選外編

下

隋樹森編

蕭何月夜追韓信雜劇

金仁傑撰

第一折

〔等漂母提一折下〕〔惡少年云了〕〔旦拜外上〕〔末抱盞背劍冒雪上開〕自家韓信的便是。目今秦失其鹿。天下逐之。不知久後鹿死誰手。想自家空學的滿腹兵書戰策。奈滿眼兒曹。誰識英雄之輩。好傷感人呵。
〔仙呂點絳脣〕相着我獨步才超。性與天道。凌雲浩。世事皆濁。則我這笑玉誰彫琢。

〔混江龍〕消磨了聖人之教。幾時的經綸天地。整皇朝。時遇着山梁雌雉。急切釣不的滄海鯨鰲。淚洒就長江千尺浪。氣衝開雲漢九重霄。胸次包羅天地。肺腑捲□江河。筆尖能搖山岳。劍鋒可摘星辰。嘆英雄何日朝聞道。盼殺我也玉堂金馬。困殺我也陋巷筆瓢。

〔油葫蘆〕尋思我枉把孫吳韜略學。天不我不發跡直等到老。一回家怨天公直恁困英豪。嘆良金美玉何人曉。恨高山流水知音少。禮不通忘了管轄。道不行無了木鐸。枉着那兵書戰策習的玄妙。爭奈俺命不濟。護國勞。

〔天下樂〕空教我日夜思量計萬條。一回家心焦。何日了。越把我磨劍的志節懶墮却。空將文業攻。武藝學。至如學將來有甚好。

〔做冒雪的科〕〔云〕嗚呼大雪呵。

〔那吒令〕似這般大雪呵。街上黎民也懊惱。似這般大雪呵。山上樵夫也怎熬。似這般大雪呵。江上漁翁也凍倒。便有個姜子牙也難應。非熊兆。子索把綠蓑衣披着。

〔鶻踏枝〕昔零零洒瓊瑤。亂紛紛翦鵝毛。越映的江闊天低。水遠山遙。冰雪堂蘇秦凍倒。漏星堂顏子難熬。

〔寄生草〕凜凜寒風刮。揚揚大雪飄。如銀河滾下飛虹□。似玉龍噴出梨花落。比白雲滿地無人掃。我則見敗殘鱗甲滿天飛。抵多少西風落葉長安道。

〔做見旦外并旦施禮科〕〔旦云了〕

〔父〕你道我秋夏間由誰過。冬月天怎地熬。可不春來依舊生芳草。你道我白身無靠何時了。可不說青霄有路終須到。則我這男兒未濟婦人嫌。真乃是龍居淺水螭螭笑。

〔村里王豎鼓〕憑着我五陵豪氣。不信道一生窮暴。〔云〕夫子抱麟麟而哭生不遇時。我若生在春秋那時。英雄志登時宜召。憑着滿腹才調。非咱心傲。論勇阿那裏說。卜莊強。論武阿也不數廉頗會。論文阿怎肯讓子產高。論智阿我敢和伍子胥臨潼鬪寶。

〔等外并旦又住〕

〔元和令〕晉靈轍得飯了。請趙盾且休鬧。聖人言謀道不謀食。居無安食無飽。覷了田文門下女妖嬈。〔做煩惱出門唱〕我寧可首陽山自餓倒。

〔等淨上打撞怒云〕

〔上馬嬌〕□□庚運反也。□□惡。但行處撞着兒曹。〔等淨做住行着唱〕他把我丕丕的趕過長安道。惡難怎逃。時下怎歸着。忿氣不消。趕到我二十遭。

〔等淨做劍眼住〕

【游四門】呀。早劍橫秋水手中提。〔等淨云了〕我可甚由自想來朝。〔等淨云了〕你道拜爲兄長相結好。爲朋友便就饒。呵。咱兩個做知交。

【勝葫蘆】可知大古是人伴賢良智轉高。〔淨怒云了〕呀。怎想舌是斬身刀。則見他惡敵敵伏着龍泉尋左錯。他把我踢收秃刷觀觀。則覺我驚驚戰戰心怕。不由我的羞別癢腿腿搖。

〔等淨云了〕昔日宋桓難欲害孔子。孔子不能逃難。亦畏服微面避過。我想一代聖賢尙然如此。何況韓信。〔後庭花〕歸冥鴻惜羽毛。休想先生懶折腰。〔做鑽一遭〕赤緊在他心投下。子索伏低且做小。〔做又鑽一遭〕向胯下扒步到兩三遭。避不□鄉人每取笑。恨難消。伏軟弱痛難熬。兒曹每行霸道。〔等外唱淨下了〕是誰人把劍客趕去了。細身軀猛回頭觀觀着。

【柳葉兒】却元來是子孟嘗君來到。〔等旦云〕見桑新婦亂下風雹。哥哥咱正是揚鞭學棹休相笑。却才那齊管仲行無道。又見魯義姑逞龐豪。咱呵可甚晏平仲善與人交。

〔等卜兒云了〕〔云〕婆婆這恩念。久後須要報了。〔卜兒云了〕

【尾】〔卜兒砌末〕真乃是子孟母斷機心。〔等外與砌末了〕怎忘的鮑叔般相結好。〔旦云了〕我早則離了你賢達嫂嫂。〔等旦云了〕大丈夫何愁別頭交。〔旦云了〕割雞焉用牛刀。打聽波女妖嬈。有一日平步青霄。不信鴻鵠同燕雀。〔等旦云了〕

第二折

〔等霸王上開一折下〕〔等駕提一折〕〔等蕭何云了〕〔正末背劍隨竹馬兒上開〕想自家離了淮陰。投於楚國不用。今投沛公。亦不能用。人悶悶而不已。而成短歌之曰。昔楚投漢。氣吞山河。知音未遇。彈琴空歌。棄

執戟離霸王。謀大將投蕭何。治粟以嘆何補。乘駿騎而知他。〔詩曰〕淚洒西風怨恨多。淮陰壯士被窮磨。魯
麟周鳳皆爲瑞。時與不時爭奈何。

〔雙調新水令〕恨天涯流落客孤寒。嘆英雄半世虛幻。坐下馬空踏遍山
水雄。背上劍枉射得斗牛寒。恨塞於天地之間。雲遮斷玉砌雕欄。按不住
浩然氣透霄漢。

〔駐馬聽〕回首青山。拍拍離愁滿戰鞍。舉頭新鴈。呀呀哀怨伴天寒。止望
學龍投大海。駕天關。剗地似軍騎羸馬連雲棧。且相逢。觀英雄如匹似閑。
堪恨無端四海蒼生眼。

〔沉醉東風〕幹功名千難萬難。求身仕兩次三番。前番離了楚國。今次又
別炎漢。不覺的皓首蒼顏。就月朗回頭把劍看。忽然傷感。默上心來。百忙
裏搵不乾我英雄淚眼。

〔詩曰〕身似青山氣似雲。也曾富貴也曾貧。時運未來君休笑。太公也作釣魚人。

〔水仙子〕想當日子牙守定釣魚灘。遇文王親詣磻溪登將臺。如今一等
盜糠殺狗爲官宦。天那偏我幹功名的難上難。想岩前傳說貧寒。平糞土
把生涯幹。遇高宗一夢間。他須不曾板築在長安。

〔蕭何踏竹馬兒上了〕

〔鴈兒落〕丞相道將咱來不住的趕。韓信則索把程途盼。〔蕭何云了〕爲甚
却相逢便噤聲。非是我不言語。相輕輕慢。

〔得勝令〕我又怕叉手告人難。因此上懶下寶雕鞍。〔蕭何云了〕說着漢天
子由心困。量着楚重瞳。怎掛眼。〔蕭何云了〕乘駿馬雕鞍。向落日夕陽岸。辦
蓑笠。綸竿。釣西風渭水寒。

〔蕭何云了〕

〔夜行船〕看承的自家如等閑。我早則沒福見劉亭長龍顏。〔蕭何云了〕誰受你那小覷我的官職。〔蕭何云了〕誰吃你那淹留咱的茶飯。〔蕭何云了〕刻地說功名半年期限。

〔掛玉鈎〕我怎肯一事無成兩鬢斑。〔蕭何云了〕既然你不用我這英雄漢。因此上鐵甲將軍夜度關。你端的爲馬來將人盼。既不爲馬共人。却有甚別公幹。我漢室江山。可知可知保奏得我甚掛印登壇。

〔蕭何云了〕〔漁公上云了〕〔蕭何并未上船科〕丞相道漁公記得是。官人每不在家裏快活也。這般戴月披星生受了。未將謂轉信功名如此艱辛。元來這打魚的竟衣飯吃。更是生受。

〔川撥棹〕半夜裏恰回還。抵多少夕陽歸去晚。烟烟灣灣。珂珮珊珊。冷清清夜靜水寒。可正是漁人江上晚。

〔七弟兄〕脚踏着跳板。手執定竹竿。不住的把船攀。兀良我則見沙鷗鷺起蘆花岸。忒楞楞飛過蓼花灘。可便似禹門浪急桃花泛。

〔梅花酒〕雖然是暮景殘。恰夜靜更闌。對綠水青山。正天淡雲閑。明滴溜銀蟾似海山。光燦爛玉兔照天關。撐開船掛起帆。俺紅塵中受塗炭。恁綠波中覓衣飯。俺乘駿騎懼登山。你駕孤舟怕逢灘。俺錦征袍怯衣單。你綠蓑衣不會乾。俺乾熬得鬢斑斑。你枉守定水滸滸。俺不能勾紫羅襪。你空執着釣魚竿。咱都不到這其間。

〔收江南〕怎知烟波名利大家難。〔做上岸科〕〔漁父先下〕抵多少五更朝人馬嘶寒。對一天星斗跨雕鞍。不由我倦憊。也是算來名利不如閑。

〔尾〕我想這男兒受困遭磨難。恰便似蛟龍未濟逢乾旱。怎蒙了戰策兵

書消磨了盾劍搖環。唱道惆悵功名。因何太山。似這般涉水登山。休休休。空空長嘆。〔蕭何帶住〕謝丞相執手相看。不由我半挽着絲韁意去的懶。〔下〕

第二折

〔駕上云了〕〔蕭何云了〕〔樊噲上云了〕〔正末上開〕不想今日得見官裏面皮。

〔中呂粉蝶兒〕手摘星辰。脚踏禹門潮信。吐虹霓千丈絲綸。釣五國。平天下。怎教魚龍一混。早則得志羽扇綸巾。再不踐長途客身難進。

〔醉春風〕昨日看青山綠水劍光昏。今朝見白馬紅纓彩色新。便做一宵宮裏夢賢人。也似這般准准三省吾身。五陵年少。端的一言難盡。

〔做探蕭何禮了〕今日得見官裏。謝丞相一人而已。

〔石榴花〕昨日恰正動羈懷。千里踐紅塵。單騎欲私奔。若不是朝中宰相自勞神。把飄零客身引入賢門。若不是丞相追回沙。這其間趁西風人遠天涯近。則見衆公躡步履慇懃。把列着半張鑿駕迎韓信。這的是天子重賢臣。

〔做見駕駕發下科〕

〔鬪鷓鴣〕臣迭不得舞蹈揚塵。〔駕云了〕嗚好豁達波開至尊。這一遍不若如文王。自臨臨渭濱。〔駕云了〕量這個夯錢之夫小可人。怎做這社稷臣。爲我王納諫如流。因此上丞相奏准。〔做回駕科〕

〔剔銀燈〕臣昨日做了個夜度昭關伍員。不若如有國難投孫臏。今日又不曾驅兵領將排着軍陣。不剎怎消得我王這般棒鼓推輪。量這個提煙將。執戟人。霎時間官封一品。

〔蔓菁菜〕陛下我親掛了元戎印。久已後我王掌十萬里錦乾坤。恁時節

須正本你春。我盡節存忠立功勳。單注着楚霸王大軍盡。

〔樊噲云了〕衆軍拿下者。既爲元帥軍有長刑。推轉者。〔駕上云了〕且留下者。〔云〕我王萬歲萬歲萬萬歲。想古往今來。多少功臣名將。誰不出於貧寒碌碌之中。聽微臣說咱。

〔十二月〕伊尹曾耕於有莘。子牙曾守定絲絲綸。傅說在岩前板大。夫子在陳蔡清貧。〔等淨云了〕你休笑這做元帥的原是庶人。道丞相也是個黎民。

〔弄瓦民歌〕我從來將相出寒門。〔駕云了〕咱王是一朝天子一朝臣。〔駕云了〕息怒波豁達大度聖明君。〔淨云了〕際聲波低頭切肉大將軍。〔淨云了〕休賣弄花唇。你不會把鎗刀劍戟掄。我只見你殺狗處。揮刀刃。

〔淨云了〕〔駕上云了〕霸王酒不飲。三色不侵。一有暗鳴叱咤之威。舉鼎拔山之力。人有疾病之苦。泣滯衣食而飲。陛下不知霸王却有幾莊兒。不及我王處。〔等駕云了〕

〔上小樓〕他不合燒阿房二十六宮。殺降兵二十萬人。先到咸陽。不依前言。自號爲君。趕故主。殺子嬰。誅絕斬盡。更殺義帝。江心中有家難奔。

〔么〕把長安封爲佞臣。將彭城改作內門。這的是他不得天時。失了地利。惡了秦民。更擄掠民才。弑君殺父。言而無信。及至他封官時。惜爵。禮印。

〔駕上云了〕我王錯矣。豁達大度。納諫如流。爲約宗而罷刑肉。滅強秦而罷城德。有功雖仇必賞。有過雖親必誅。霸王爲名征。我主施仁義呵。

〔耍孩兒〕這楚重瞳能有十年運。〔駕云了〕去十分消磨了六分。臣一觀乾象甚分明。〔駕云了〕我王帝星朗朗超羣。〔駕云了〕他時來力舉千斤鼎。直熬得運去無功自殺身。〔駕云了〕陛下問安邦策。何時定。臣算着五年滅楚。小可如三載亡秦。

〔么〕恁般一個秦家基業人。客盡東愁。甚末劉項不分。登時間一統做漢。

乾坤笑談間。席捲三秦。敗齊破趙無虛謬。滅楚興劉有定准。〔駕云了〕請我王休心困。薦微臣的是朝中宰相。拿霸主的全在閩外將軍。

臣已早定議了。

〔三煞〕臣教子房散了楚軍。周勃領着漢兵。臣教酈商引鐵騎八方四面相隨趁。臣教王陵作先鋒九里山前明排着陣。臣教灌嬰爲合後十面埋伏暗擺着軍。臣教樊噲去山尖頂上磨旗作軍中眼目。看陣勢調遣軍人。〔二煞〕得勝也。臣教大梁王在後面趕。詐敗也。臣教九江王在前面引。把楚重瞳賺入長蛇陣。恁時節暗嗚叱咤難開口。便舉鼎拔山怎脫身。臣教呂馬童緊緊地相逗趁。〔等駕云了〕不妨事。他那裏知心故友。子是個取命的凶神。

〔駕云了〕相持處用着一人。孤舟短棹。直臨江岸。扮作漁公。楚重瞳殺的怕撞陣衝軍。走的慌心忤意緊。行至烏江。無處投奔。來叫漁公。

〔尾〕只說道渡人不渡馬。〔駕云了〕他待渡馬時便不說渡人。〔駕云了〕這的是一朝馬死黃金盡。那時節有家難奔有國難投。急不得已。羞扯龍泉自去刎。〔下〕

第四折

〔竹馬兒調陣子上〕〔漁翁霸王一折了〕〔駕一行上〕〔末扮呂馬童上云〕怎想今日烏江岸上。九里山前。送了你呵。好傷感人呵。

〔正宮端正好〕再休誇桀紂起刀兵。謾說吳越相吞併。也不似這一場虎鬪龍爭。方信圖王霸業從天命。成敗皆前定。

〔滾繡球〕哎。霸王呵。全不見鴻門會那氣性。今日向烏江岸滅盡形。那裏

也拔山舉鼎。怎想你臨死也通點人情。自別處叫一聲。鄉人呂馬童。梟首級分付的明。這兩莊兒。送得楚重瞳。百事無成。待回向垓心裏。別了虞姬。悶悶悶。懶歸西。楚親無救。待去來吳楚。八千子弟散得無一人。羞答答。取向東吳再起兵。另巍巍孤掌難鳴。

〔駕云了〕

〔收尾〕只爲那八千子弟無踪影。因此上送得他十二瑤塔。獨自自行。道寡稱君事不成。創業開基命不存。失却龍駒怎戰爭。別了虞姬那痛增。前後軍兵緊相併。左右鎗刀廝圍定。掠袖指拳挺魁頂。破步撩衣扯劍迎。響斷獅盔心不寧。伏着龍泉身略橫。猿背彎環。醉眼朦朧。腰項斜稱。呀。他可早鮮血淋漓了戰袍領。〔下〕

〔扮韓信上〕〔駕上云〕

題目

霸王垓下別虞姬

高皇親掛元戎印

漂母風雪嘆王孫

蕭何月夜追韓信

鴈門關存孝打虎雜劇

陳以仁撰

楔子

〔殿頭官上云〕只將忠義報皇朝。要竭身心不憚勞。但得舉賢勤政事。同扶社稷輔神堯。小官乃殿頭官是也。奉聖人的命。今因黃巢作亂。縱橫天下。遣差陳敬思。直至沙陀國取李克用去。左右喚陳敬思來者。〔卒子云〕得令。陳敬思安在。〔正末上云〕小官陳敬思是也。今有殿頭官呼喚。不知有甚事。須索走一遭去說話中間。可早來到門首也。令人報復去。道有陳敬思來了也。〔卒子報云〕陳敬思在於門首。〔殿頭官云〕道有請。〔做見科〕〔正末云〕大人呼喚小官那廂使用。〔殿頭官云〕陳敬思。喚你來不爲別。今因黃巢作亂。無人可敵。有沙陀李克用。他手下有五百義兒家將。十萬鴉兵。戰將千員。奉聖人的命。將他打傷國舅段文楚的罪過。盡行赦免。就與他五百面金字牌。五百道空頭宣敕。加他爲天下兵馬大元帥。你去宣取來破黃巢。疾去早來。〔正末云〕得令。則今日便索長行也。〔唱〕

〔仙呂賞花時〕止不過漠漠平沙際碧天。又不比夕貶潮陽路八千。我忙傳着一紙聖人宣。〔殿頭官云〕則是路途較遠難行。須要小心在意者。〔正末唱〕避不的山遙路遠。〔云〕大人放心。〔唱〕我可也無明夜到居延。〔下〕

〔殿頭官云〕陳敬思去了也。無有甚事。回聖人話走一遭去。〔下〕

第一折

〔沖末李克用上云〕萬里平如掌。古大獨爲尊。地寒氈帳煖。殺氣陣雲昏。江岸連三島。黃河占八分。華夷圖上看。別有一乾坤。番番番。地惡人權。騎劣馬。坐雕鞍。飛鷹走犬。野水秋山。渴飲羊羔酒。飢食鹿脯乾。響箭手中攢。捻雕弓臂上常彎。宴罷歸來胡旋舞。丹青寫入畫圖看。某乃沙陀李克用是也。先父複姓朱邪。名赤心。因討龐勛有功。唐天子賜姓名李國昌。五十七歲身亡。某襲幽州刺史。因某帶酒打傷國舅段文楚。聖人大怒。貶某在沙陀歇馬三年。今中原黃巢反亂。唐僖宗信任田令孜等。貪財好賄。人民失散。四野飢荒。盜賊並

起。黃巢縱橫天下。朝中文武並不以社稷爲重。今日雖有各藩節度使二十四鎮。在于華嚴川。不會得黃巢半根兒折箭。某夜來睡中得一夢。夢見一輪紅日。在帳房裏滾。又問陰陽人圖此夢。他說道。日乃人君之相。此夢必主朝中有宣敕來。某想來。車駕見今幸西川。怎生得宣敕來。今日無甚事。在此閑坐一會。看有甚麼人來。(正末上云)小官陳敬思的便是。奉聖人命。宣召李克用去。望北塞而行。是好感愴人也。(唱)

【仙呂點絳脣】滿面塵埃。一鞭行色。青山外。碧樹雲埋。遙望見沙陀界。

【混江龍】遙望見鴈門紫塞。黃沙漠漠。接天涯。看了這山遙路遠。更和那日炙風篩。一騎馬直臨蘇武坂。半天雲遮盡李陵臺。一川烟草。數點寒鴉。半竿紅日。幾縷殘霞。悠悠羌笛。在這晚風前。呀呀歸鴈。遙天外。增添旅況。蕭索情懷。

【二】可早來到也。左右報復去。道天朝使命在此。(卒子報云)報的阿媽得知。今有天朝使命。在於門首。(李克用云)道有請。等我親身接待使命。(卒子云)道有請。(做見科)(李克用云)早知天使前來。只合遠接。接待不着。勿令見罪。(正末云)李克用將香桌來。望闕跪者。聽聖人的命。將你打傷國舅。殺文楚的罪過。盡皆饒免。今因黃巢作亂。取你破黃巢。就加你爲天下兵馬大元帥。賜與你五百面金字牌。五百道空頭宣敕。賊平之日。論功陞賞。(李克用云)感謝聖恩。(正末云)關山多阻隔。信息最難通。(李克用云)昨日得好夢。今日喜相逢。(正末唱)

【油葫蘆】烟水雲山兩間隔。數年間音信乖。我可便把仁兄常記在心懷。(李克用云)自幽州相別。今日恰得相逢也。(正末唱)想當日在幽州。略得瞻風采。今日箇到沙陀。不想重參拜。聖人三紙宣。將小官一徑差。請你箇與劉滅楚的韓元帥。聖人着早早的獻功來。

【李克用云】大唐家手下的文武全才。英雄濟濟。狀貌堂堂。那等好漢無限。量小官到的那裏。(正末唱)

【天下樂】准備下高築黃金拜將臺。請你箇英才。休左猜。恰便似虹霓般。

盼望你到來。與唐家輔一人。仗威風振四海。穩情取播清風千萬載。

〔李克用云〕左右將酒來。做把盞科云。天使滿飲此盃。〔正末回酒科〕〔李克用云〕聞說黃巢反叛。忽聚餓夫百萬。手下有葛從周。孟截海。鄧天王。張歸霸。張歸厚等五將。那些英雄好漢。量小官到的那裏。〔正末云〕休這般道。將軍有經綸濟世之才。補完天地之手。是必走一遭去。〔李克用云〕黃巢這厮利害。去不的。

〔正末唱〕

〔那吒令〕雖賊徒利害。你覷他小哉。破黃巢的計策。則除是你該。扶唐朝世界。若非公大才。且休說漢三傑。更和這唐十宰。他每都日轉千堦。

〔李克用云〕破黃巢也要鋪謀定計的人。〔正末唱〕

〔鶻踏枝〕上陣似歇魂臺。臨軍如捨身崖。若說俺朝野公卿。無一箇將相之才。因此上萬乘君向西蜀避乖。誰曾見這一場興衰。

〔么篇〕上陣處把軍排。賞罰處要明白。則你那千戰千贏。你是箇決勝之才。你可使用智謀計策。與唐家百姓除災。

〔李克用云〕兀那敬思。排兵布陣。統領雄兵。鋪謀定計。小官到的那裏。〔正末云〕你休這般道。〔唱〕

〔寄生草〕降災殃從天至。起干戈動地來。驚的那一朝帝王無精彩。說的那兩班文武失魂魄。慌的那六宮粉黛無顏色。見如今龍車鳳輦尚遷移。知他那雕梁玉砌今何在。

〔云〕大人休違了聖旨。你早早破黃巢去來。〔李克用云〕敬思請坐。等我喚出義兒家將來。你試看者。小校起鼓。〔卒搥鼓科〕〔李亞子李存信李從珂康君利周德威五將上云〕某乃李亞子是也。這四位將軍。乃是李存信。李從珂。康君利。周德威。正在帳中。則聽聚將鼓響。想是父親呼喚。須索走一遭去。〔做見科云〕阿媽。喚你孩兒那廂使用。〔李克用云〕天使在此。你相見者。〔衆云〕理會的。〔衆將跪拜科〕〔正末云〕呀。將軍請起。請起。〔李克用云〕敬思。我這義兒家將。破黃巢去。却是如何。〔正末云〕看了將軍手下的人人驍勇。箇

箇威風。量黃巢到的那裏。(李從珂康君利云)父親不可去。(李克用云)怎生不可去。(李從珂康君利云)想父親在幽州。帶酒打傷了國舅段文楚。聖人大怒。貶在沙陀歌馬。今日黃巢反亂。可來宣咱。父親不可去。(李克用云)吾兒說的是。不去。則今日殺牛宰馬。做箇大大筵席。管待天使大人起身。(李亞子李存信云)父親既有朝命在此。不可違悖聖旨。畏刀避箭。壞了聲名也。(李克用云)吾兒李亞子說的是。則今日整擷人馬。破黃巢去。(康君利云)父親不可去。(李克用仗劍擊案云)再有阻當軍情。說不去破黃巢的。此劍爲令。(正末云)將軍是必走一遭去。(唱)

【寄生草】你八面威風大。端的是將相才。則你那龍韜虎略人難賽。握雲拿霧施兵策。排兵布陣添精彩。決勝千里辨輸贏。單註着黃巢今日何當敗。

(李克用云)敬思先行。我隨後拔寨而起。破黃巢走一遭去。(正末云)將軍是必早來者。(唱)

【後庭花】則要你領雄兵將隊伍排。今日箇請明公自見解。單註着李鴈門威風大。今日箇黃巨天旺氣衰。一句既明白。除將軍英雄慷慨。休俄延莫等待。將金牌懷內揣。

【柳葉兒】將軍授破黃巢的元帥。見皇家重用良材。敢把你鞠躬躬展脚舒腰拜。他每都忙挾策。上壇臺。將軍你穩情掛勢劍金牌。

(李克用云)罷罷罷。便好道。用之則行。舍之則藏。義兒家將。則今日拔寨起營。破黃巢走一遭去。(正末云)將軍快來。某先回聖人話去也。(唱)

【賺煞】則要你起軍卒。今日便離沙塞。說下的言詞莫改。我索先報與君王且放懷。則說道李沙陀隨後軍來。莫耽推。准備着犒賞金帛。顯你那捉將挾人那手策。哎。你箇將軍休左猜。俺可便專心兒等待。等待你箇擎天架海棟梁材。(下)

〔李克用云〕陳敬思去了也。則今日破黃巢。走一遭去。嗑哩哪。蘭嗎那。哈兒嶼嶼言。不實我克齏兒哦。八邊哈兒布姪兒何狗不狼也。這也雇而鉄哩古雷都腦刺實可不巡。〔下〕

第二折

〔李克用上云〕歡來不似今朝。喜來那逢今日。某乃李克用是也。自從來這沙陀。三年光景。蒙聖恩取回破黃巢。加某爲天下兵馬大元帥。統領五百義兒家將。三萬鴉兵。軍過鴈門關。夜來得了一夢。夢見一個大蟲。趕着我咬。撒然驚覺。乃是南柯一夢。未知主何吉凶。左右與我喚將周德威來者。〔卒子云〕得令。周德威安在。元帥喚你哩。〔周德威上云〕小官周德威是也。今日元帥呼喚。不知有甚事。須索走一遭去。早來到也。令人報復去。周德威來了也。〔卒子報科云〕報的元帥得知。有周德威在於門首。〔李克用云〕道有請。〔卒子云〕有請。〔見科〕〔周德威云〕元帥喚小官來有甚事。〔李克用云〕某今夜做了一夢。不知主何吉凶。請你來圓夢。〔周德威云〕元帥夢有三不圓。記的頭忘了尾。一不圓。記的尾忘了頭。二不圓。記的中間。忘了頭尾。三不圓。元帥說來。〔李克用云〕昨夜三更時分。夢見一箇大蟲。擗着兩箇肉翅。望着某咬一口。撒然驚覺。乃是南柯一夢。不知主何吉凶。〔周德威云〕此夢單主吉。不主凶。〔李克用云〕此夢怎生單主吉。不主凶。〔周德威云〕單主今日日當卓午。得一箇應夢的將軍。〔李克用云〕應夢的將軍。在於何處。〔周德威云〕不在飛虎。必在陵丘。〔李克用云〕怎生得見。〔周德威云〕元帥除非是打圍射獵得見。〔李克用云〕既是這等。義兒家將。您聽咱快布圍場。出塞沙。雕弓硬弩。隨身掛。短劍長鎗。手內拿。皂雕起處。麋鹿死。放起黃鷹捉水鴨。山獐野獸。能着箭。虎豹豺狼。又中叉。馬馱鳥獸。鷄和兔。驢背獐。麋鹿。犯飛鷹。走馬圍場。罷應夢將軍尋見他。〔同下〕〔正末上云〕自家安敬思的便是。在這鴈門關居住。與這鄧大戶家牧羊度日。我想來。學成十八般武藝。幾時是崢嶸發達的時節也呵。〔唱〕

〔南呂一枝花〕屈沉殺大丈夫。埋沒了英雄漢。有分受辛勤捱日月。幾時得施謀略展江山。天數輪還。想太公在磻溪岸。他雖然成事晚。也曾釣西風。蓑笠綸竿。到換做朝朝北闕烏靴象簡。

【梁州】比似我守辛勤放羊北海。幾時得逞英雄射虎南山。眼前光景成虛幻。怕的是鴈門月冷。紫塞風寒。黃沙漠漠。衰草班班。幾般兒生熬的人。皓首蒼顏。消磨盡義膽忠肝。用功勞如韓信周勃。施妙策如張良謝安。呀呀呀。逞英雄似樂毅田單。枉將人等閑。小看。便有那吐虹霓志氣冲霄漢。命不濟。枉長嘆。每日價相伴着沙陀老契丹。受了此三摧殘。

〔云〕我把這羊趕在山坡崖下。有水有草去處。着他吃些。我在這盤陀石上。盹睡盹睡。看有甚麼人來。〔正末盹睡科〕〔李克用領衆將上〕〔布圍場科〕〔李克用云〕周德威攔開人馬。快布圍場。不要走了。麋鹿野鹿。虎豹豺狼。〔卒子云〕理會的。〔扮虎上冲科〕〔李克用云〕圍場中趕過甚麼去了。〔周德威云〕趕過牛來。大一箇大蟲。跳過山澗去了。〔李克用云〕呀。那盤陀石上。睡着一箇年紀小的後生。則怕那毒蟲傷害了那小的性命。叫他起來。〔卒子叫云〕兀那放羊的後生。虎咬了羊也。〔正末做醒科云〕今日不見了羊。明日也不見了羊。俺主人家鄧大戶家。則說我賣了羊。原來是你這撥毛團吃了這羊。好無理也。〔唱〕

【隔尾】我則見八面威的猛獸。假深淵。他可早一跳身。番飛過淺山。把我這貪水食的羣羊。盡哄散。這廝將咱惱犯。我這裏將皮裘緊拴。大踏步望前捨死的趕。

〔李克用云〕周德威。我從見日月交食。不會見這個好爭鬪的後生。見了那大蟲。無些兒害怕。你和他說。他敢打這虎。我與他篩鑼播鼓。吶喊搖旗。助着威風。你可打這毒蟲。〔周德威云〕兀那放羊的後生。俺元帥說來。你敢打那大蟲。俺與你篩鑼播鼓。吶喊搖旗。助着威風。你打那大蟲。〔正末云〕你與我助着威風。看我打這大蟲。〔唱〕

【牧羊關】血鼻凹撲碌碌。連打十餘下。死尸骸骨魯魯滾。到四五番。恨不的莽拳頭打挫牙關。八面威氣象全無。十石力身軀軟癱。泥污了數尺金椽尾。血模糊幾道剪刀斑。舒不出鋼鈎似十八爪。閃不開金鈴也一對。